



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

Vigesima-Nona. De equitatu Christi, non in curru Pharaonis, sed in asello
humilitatis.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

VIGESIMA-NONA.

*De equitatu Christi, non in curru Pharaonis, sed in asello
humilitatis.*

1. *Ite in castellum, quod contra vos est: & statim inuenietis asinam Mat. 21.
alligatam, & pullum cum ea. Solvite, & adducite mihi. Quid est
hoc dulcissime Iesu, rex meus, & Deus meus: quod discipulos
tuos pro asino mittis, & non pro aliquo equo; ad obsequendum
tibi in via ista, quam saepe nudis pedibus ambulasti? Cur te pau-
perem & inopem in omnibus ostendis, cuius sunt omnia in caelo
& in terra, tam homines quam iumenta? Cum natus essem in
Bethleem Iudea, non grande palatum quaesisti, sed vile stabulum
ad commorandum, & angustum praesepe ad quiescendum: &
nunc pergens in Hierusalem, mittis pro asino tibi breuiter con-
cedendo. Miror nimis & condoleo paupertati tue, quod rex om-
nis terrae ita innocenter agis, & sine regali habitu procedere ge-
stis. O Deus, non erat aliquis ex omnibus amicis tuis in Bethania
& in Bethphage, qui currum tibi prepararet, aut equum unum con-
cederet: ut vel sic honor eius in Hierusalem equitares, & asinum
istum relinqueres: Quis ex regibus sic fecit? Legitur in libris Re-
gum, quod Salomon adducebantur multi equi de Aegypto ma- 3. Reg. 10.
rgno precio empti: & quomodo accidit, quod nec unus equus re-
manfit, ad usum aduentus tui? Rarum & nouum spectaculum, à
seculo inauditum, regem seculorum in toto exercitu suo non ha-
bere unum equum, ad equitandum per breve spatium: sed tan-
tum pullum asinæ super quem nullus hominum sedet; qui nec
sellam ad sedendum habuit, nec frenum ad tenendum. O mira
Dei clementia! sessor aselli fieri dignatus est author seculi, cum
ad inclitari pergeret Hierosolymam.*

2. *Sed multæ sunt causæ, & valde rationabiles & virtuosæ, qua-
re asinum concedit, & non equum. Egit hoc Christus sapientia
Patris, ut prophetia de aduentu suo impleretur non tantum verbis
mysticis, sed etiam aliquo exteriori facto monstraretur homini-
bus pro testimonio dando. Exemplum etiam maximum in hoc
dedit veræ humilitatis & sanctæ paupertatis, ad comprimendam
hominum superbiam & avaritiam: qui in honoribus & diuitijs
ac magna familia delectantur, querendo gloriam temporalem
& comoda deliciarum. Si enim rex noster Dominus Iesus Christus
in comitatu suo pulchrum equum habuisset, quis tam pau-
per esset, qui equitare non ambiret, & diceret, quia Christus sic
fecit? Quare ergo mihi non licet? Proni sunt enim sensus homi-
num in malum, & ferè omnes anhelant ad altum statum. Nunc*

T 3

autem

autem Christus rex humili& mansuetus, contentus fuit venire in asino, sicut prædictit Spiritus sanctus de eo; qui super humilem & quietum requiescit, & colla superbiorum & sublimium propriæ virtute calcat; qui dorsa regum subvertit, ac mentes perueras & factas declinat. Rex igitur noster, Deus ante secula, & homonatus in fine seculorum, talè se voluit hominibus exhibere in omnī verbo, actu & gestu suo, à nativitate usque ad horā mortis: vi-
efset omnibus exemplum virtutis & sanctitatis, tam subditis quā
pralatis. Ostendit viam veræ humilitatis in apparatu magno
paupertatis, per quam ad cælestem Hierusalem recto itinere pos-
set ascendere etiam quilibet pauper, sine equo, sine curru, sine as-
sino, sine mulo, sine pera, sine pecunia, sine prælatura, sine byssio,
sine purpura. Siquidem huius sancti itineris, ipse ductor, comes
& præcessor; ipse tutor & gubernator, qui à Patre missus venit in
hunc mundum, ut planam & leuem faceret viam humilitatis,
qua securè venitur ad cælum.

3. Attendant hæc pauperes, & latentur: audiant mites, & con-
solentur: quia ad consolationem pauperum rex noster Dominus
Iesus Christus, cùm esset diues & omnium princeps, pauper pro-
nobis factus est & patiens: vt sua paupertate nos diuites facent
in gratia, & de exiguis magnos in gloria. Ipse igitur in similitu-
dine pauperis venit ad homines, pauper vixit inter homines, pauper
obijt pro hominibus. Non habuit civitatem, neque castrum,
neque domum propriam in hereditatem præclararam: & tamen i
pauperibus & simplicibus hodie honoratus est, & rex Israël alti-
vocibus appellatus. Denique, ut cunctis mundi principibus pa-
pertatis suæ nobilitatem innotesceret, atque amabilem faceret
pro equo superbiæ habuit pullum asinæ; pro ducibus & militi-
bus, pauperculos discipulos, pescatores indoctos; pro armigeris
& scutiferis, populos simplices, sutores & textores: pro canoni-
bus & tubicinis, pueros innocentes, osanna clamantes: pro gla-
diis & fustibus, ramos de palmis & oliuis: quæ erant signa latina
& pacis, non pugnæ neque litis. Venit itaque Christus rex nobilis & pacificus æterni Patris unicus & dilectus filius; pacem cu-
piens reformare inter Deum & homines, inter Angelos & pecca-
tores, inter Iudeos & Gentiles. Noli ergo timere filia Sion, sed
gaude & latare Hierusalē, ciuitas sancta: quia nō venit te castigare, sed pro peccatis tuis orare: non legē soluere, sed adimplere:
non locum destruere, sed à diabolica potestate eripere: non con-
tendere verbis, sed instruere moribus: non aliquem opprimere
per potentiam, sed saluare per clementiam: non querere vindicta
pro iniuria sibi facta, sed venit pati crucem & mortem pro ini-
quitate commissa. Intellige ex miraculis eius, quantum eminet

fang



sanc̄tis omnibus Patriarchis & Prophetis. Et crede, quia verē est
Dei filius. Patri coæqualis, pro salute mundi ex virginē natus,
pro redēptione omnium moriturus.

4. Considera ex operibus humanitatis eius, quia mitis est &
humilis, gloriam mundi spernens, opprobria sustinens, pro malis
bona retribuens. Ecce, qualis ipse, tales & serui eius. Elegit mili-
tes & barones ornatos virtutibus, non vestibus preciosis: qui sci-
unt contra diabolum orando certare, carnē iejunando subiuga-
re, & seculi diuitias & honores contemnendo vincere; sicut ab
ipso didicerunt, & alios multos spiritualiter bellare docuerūt.
Hi adiuncti sunt boni pueri, à malitia & cōtentione alieni, cā-
tantes & laudantes nomen Domini, quoniam magna est gloria
Domini. A maiore enim usque ad minorem, omnes in laude
& gratiarum actione versantur; atque in conspectu & aduētu re-
gis sui, exultant corde, plaudunt manibus, tripudiant vocibus
altius, benedicentes Deum super omnibus virtutibus & signis,
quæ viderant & audierant de Christo rege in finibus suis. O quā
stupenda & laudabilis fuit ista deuotio, quām iucunda mentis
iubilatio, cūm humilis Iesus ēterni regis filius, deducitur à pue-
ris innocentibus in templum Salomonis, & in locum tabernacu-
li admirabilis. Vbi in figura suæ benedictæ passionis, offerebātur
hostiæ pecuiales à sacerdotibus Moysaicæ legis; qui tamen non
potuerant perfectè quempiam mundare à delictis, secundūm iu-
stitiam carnis; sed secundūm fidem offerentium, de spe in Chri-
stum donandæ salutis, firma expectabatur remissio & cōsolatio
humanæ redēptionis. Nam post istam processionem, & ma-
gni honoris exhibitionem, paucis diebus transactis, ampliori
confusione & poenitē est repletus, quām vñquam prius à turbis
fuerat honoratus. Denique, multis iniurijs & verberibus affe-
ctus, in cruce est suspensus: vt veritas patesceret a sumptu car-
nis, & figura impleretur hostiæ legalis, de immolatione agni
paschalisi.

5. Hæc igitur duo opera Christi, processio videlicet & passio,
recoluntur ubique hodie ih sancta ecclēsia: & habent in se ma-
gna mysteria, à sanctis doctoribus sufficiēter expressa. Nam sta-
tus sanctæ ecclēsiae in his duobus designatur, quæ per prospera &
aduersa solet à Deo frequenter exerceri. Processio, quæ luctitiam
præfert, ideo fit & celebratur cum ramis palmarum, ad excitā-
dum corda fidelium in amorem cœlestium gaudiorum. Sed ista
processio tunc perfectissime implebitur, quādo omnes sancti ex-
citati à mortuis occurrēt Christo in aëra cū corporibus glorio-
sis. Tunc Angelis canentibus, intrabunt electi in sancta sancto-
rū, tenentes palmas in manibus, & lāpades ardentes oculo plenas.

T 4

Tunc

296 IN DOMINICA PALMARVM.
Tunc recipient singuli præmia æterna, pro laboribus & meritis
suis, contenti optimè in mansionibus à Deo sibi paratis. Paſſio
autem, quæ processionem sequitur, hoc indicat. Quia per crucem
& paſſionem Christi, & per multas tribulationes pro Christo,
via nobis ostenditur, qua ad regnum Dei post mortem perve-
nitur. In quo cum Christo in æternum gaudebunt, qui nunc paſſionem
eius deuotè recolunt, ex compassionē gemunt, ex amore
lachrymas fundunt, ex imitatione carnem macerant, pro gratia
rum actione preces offerunt: Missas libenter audiunt, cum meū
& reuerentia celebrant, à vanis & ociosis abstinent, diuinæ gra-
tiae per cordis custodiam se præparant; & in commemoratione
paſſionis Christi, sedulè ac tristè meditando, legendō, laborādo,
fustinendo, piè in eo animū exercitant: ut Christi paſſionibus
in presenti medullitus conformati, in futurò celsiū glorificen-
tur. Cū enim venerit Christus remunerare labores omnium e-
lectorum suorum, tunc omnes abſterget lachrymas ab oculis e-
orum. Processio præsens breuem habet latitudinem, sed processio fu-
tura sanctorum, perennem obtinet laudem. Nulla quippe fessi-
uitas ſolemnior, nulla societas iucundior, nulla delectatio maior,
nulla contemplatio excellentior, nulla felicitas dignior; quam
Christum videre in gloria sua cælesti, cum Angelis sanctis, con-
gregatis in superna & beatissima ciuitate Hierusalem; omnibus
electis in ſecula ſeculorum cum Christo regnaturis; impijs & in-
fidelibus, æternis ignibus cum diabolo traditis ac iuste damnatis.
A quibus malis nos custodiat & præſeruet, sed cum electis suis
potius congreget, & ad dexteram in regno ſuo conſtituat, qui pa-
paſſionem & crucem nos redimere dignatus eſt Iesuſ Christuſ
Dominuſ noſter. Amen.

TRIGESIMA.

De resurrectione Christi, & spirituali consolatione anime.

I. **R**esurrexi, & adhuc tecum ſum; Alleluia. Vox Christi eſt ad
Ecclesiā, & ad quamlibet fidelem animam, de eius paſſione
nimis tristem, & quaſi omni conſolatione priuatam. Hac igitur
Christus à morte resurgens, in ſpiritu alloquitur: hanc iucundo
oris ſui affatu benigniſſime conſolatur, dicens: Resurrexi, & ad-
huc tecum ſum. Non ſum tui oblitus, ſed memor ſponsoris meę,
tanquam victoriоſiſſimus mortis triumphator tibi appareo, &
æternae felicitatis gaudia denuntio; quatenus mihi congratule-
ris de ineffabili reſurrectionis gloria, quā recepi: quia hanc nun-
quam amissurus ſum, nec ultra moriturus. Multum quidem he-
ſterna die de paſſione mea doluisti & fleuisti, ſed iam noli diuiriſ
fere,